

江文通集  
卷五  
至  
卷十



09448


江文通文集卷第五

梁

濟陽江文通者

明

新安江



袁友人傳

友人袁炳字叔明陳郡陽夏人其人天下之士幼有異才學無不覽文章倣儻清贍出一時任心觀書不為童向之學其篤行則信義惠和意罄如也常念蔭松栢詠詩書志氣跌宕不與俗人交俛眉暫仕曆國常侍員外郎府功曹臨湘令粟之入者悉散以贍親

江文通集八卷五

其為節也如此數百年來有此人焉至廼好妙賞文獨絕於世也又撰晉史奇功未遂不幸卒官春秋二十有八與余有青雲之交非直銜盃酒而已嗟乎斯才也斯命也天之報施善人何如哉何如哉

報袁叔明書

僕知之矣高臯為別執手末期浮雲色曉悵然魂飛前辱贈書知命僕息心越地採藥稽山友人幸甚去歲迫名茂才冬盡不獲有報引領於邑情詎可及足下推僕者不一二談也僕聞狂士之行有三竊嘗志

之其奇者則以紫天爲子環海爲池保身大笑被髮  
行歌其次則堅坐崩崖僵卧深窟朝食松屑夜誦仙  
經其下則辭榮城市退耕巖谷塞逕絕賓社皆不出  
然者皆羞爲西山之餓夫東國之黜臣而况其鄉黨  
乎或有社稷之士入而忘歸則爭論南宮之前衛主  
於邪伏身北闕之下納君於治至乃一說之奇驚畏  
左右一劍之功震慄隣國夫能者唯橫議漢庭怒髮  
燕路且猶不數而况於隣里乎若僕之行止已無可  
言矣材不肖文質無所直徒以結髮游學備聞士大

江文通集卷五

二

夫言曰在國忠處家孝取與廉交友義故拂衣於梁  
齊之館抗手於楚趙之門且十年矣容貌不能動人  
智謀不足自遠竟慙君子之恩卒離饑寒之禍近親  
不言左右莫教涼秋陰陰獨立閑館輕塵入戶飛鳥  
無迹命保琴書而守妻子其可得哉故國史小官也  
而子長爲之執戟下位也而子雲居之僕非有輕車  
驃騎之略交河雲險之功幸以盜竊文史之末因循  
卜祝之間故俛首求衣歛眉寄食耳若十日之隸去  
於饑寒從疾舊里斥歸故鄉箕坐高視舉酒極望雖

五侯交書羣公走幣僕亦在南山之南矣此可爲知者道難與俗士言也方今仲秋風飛平原影色水鳥立於孤洲蒼葭變於河曲寂然淵視憂心辭矣獨念賢明蚤世英華殂落僕亦何人以堪久長一旦松栢被地墳壘刺天何時復能銜杯酒者乎忽忽若狂願足下自愛也

與交友論隱書

淹者海濱窟穴釣爲伍自度非奇力異才不足聞見於諸侯每承梁伯鸞卧於會稽之墅高伯達坐於

江文道集

卷五

三

華陰之山心常慕之而未能及也嘗感子路之言不拜官而仕無青組紫紱龜紐虎符之志但欲史曆巫卜爲世俗賤事耳而彰然十載竟不免衣食之敗何則性有所短不可韋絃者有五一則體本疲緩卧不肯起二則人間應脩酷嬾作書三則賓客相對口不能言四則性甚畏動事絕不行五則愚婞妄發輒被口語有五短而無一長豈可處人間耶知短而不可易者所謂輪稚定也猶如雞鶩之有毛不能得鸞鳳之光采矣况今年已三十白髮雜生長夜輾轉亂

憂非一以溢至之命如星殞天促光半路不攀長意  
徒自欺取筋駑髓冷殊多災惡心頑質堅偏好冥默  
旣信神農服食之言久固天竺道士之說守清淨煉  
神丹心其愛之行善業度一世意甚美之今但願拾  
微藿誦詩書樂天理性斂骨折步不踐過失之地耳  
猶以妻孥未奪桃李須陰望在五畝之宅半頃之田  
鳥赴簷上水匝階下則請從此隱長謝故人若乃登  
峨眉度流沙殄金石讀仙經嘗聞其驗非今日之所  
言也誰謂難知青鳥明之貴布筆墨然亦焉足道哉

江文通集

卷五

四

奏記詣南徐州新安王

伏惟明公殿下列譽椒壁飛聲冲漢爰求儒雅傍招  
異人削赤野之王翦燕山之金至如淹者東國之徒  
步耳方斂影逃形臣坐編蓬之下遂遭煙露餘彩日  
月未光惟思知泰變色薰心淹聞齊石旣撫無待已  
人之唱檀臺已構寧俟不才之木淹幼乏鄉曲之譽  
長匱斤藻之德豈宜炫璞鄭氏獻鳳楚門哉願避職

史緩其召書

到主簿日事詣右軍建平王

澆乃庸人素非奇士旣慙鄒魯儒生之德又謝燕趙  
俠客之節徒以結髮衛次暫聞仁義常欲求辭冠劍  
弋釣呖壑而身輕恩重猥奉末光枉白璧之惠降黑  
貂之私因茲感激未能自反負金羈於淮吳從後車  
於河楚竟不能曜丹腹騰英聲絕白雲負蒼梧至可  
知矣不謂咸池再暉瑤光重照開高天之慈布厚地  
之施承命以驚巡走且失淹聞古人爲報常有意焉  
至迺一說之効齊王動色一劍之感趙王解衣孤心  
迴槩有殞自天

江文道集卷五

五

被黜爲吳興令辭牋詣建平王

淹本遷徙之徒非有儒墨之能亦以轉命溝間待殞  
巖下誤得步脩視循高軒伏層檻坐曲池承翠河之  
潤降璇日之光載筆奉后盛飾立朝於山東百姓亦  
已殊甚雖葶蠆拭黃塵不足以塞惠而小人狼狽  
爲鬼爲域山淵所容衣劍不貸黥楮幽團皆非報責  
仰遭大道之行草木勿踐輟鏹斂火吹翬拾骨濯以  
河漢之流曝以秋陽之景叢然黔首豈不戴天竊思  
六阜九載齒錄八年以春以秋且思且顧竟不能柳

黑質楊赤文抽精膽報慈光而自爲擁腫之異木卒  
成踴躍之妖金所謂孽由已作匪降自天猶冰造化  
餘靈宥以遐邑方蒙被霜露裹糧洲島鑿山楹爲室  
求與竈鼯爲羣猶蹶者不妄起盲者不妄視况罪溢  
期方尚駐一等之刑咎過朱崖猶緩再重之施金石  
無知何以識荅昔河濟荆吳必獲陪從京輔關轂長  
奉帷席德音在耳話言如昨淹迺梁昌自投東極晨  
鳥不飛遷骨何日一辭城濠旦夕就遠白雲在天山  
川間之眷然西顧涕下若屑

江文通集

卷五

六

詣建平王上書

昔者賤臣叩心飛霜擊於燕地庶女告天振風襲於  
齊臺下官每讀其書未嘗不廢卷流涕何者士有一  
定之論女有不易之行信而見疑貞而爲戮是以壯  
大義士伏死而不顧者以此也下官聞仁不可恃善  
不可依謂徒虛語乃今知之伏願大王暫停左右少  
加矜察下官本蓬戶桑樞之人布衣韋帶之士退不  
飾詩書以驚愚進不賣聲名於天下日者謬得升降  
承明之闕出入金華之殿何嘗不苟影凝殿側身福

禁者乎竊慕大王之義復爲門下之賓備鳴盜淺術  
之餘豫三五賤伎之末大王惠以恩光顧以顏色寔  
佩荆卿黃金之賜竊感豫讓國士之分矣嘗欲結纓  
伏劍少謝萬一剖心摩踵以報所天不圖小人固陋  
坐貽謗歎迹隊昭憲身限幽圜履影弔心酸鼻痛骨  
下官聞虧名爲辱虧形次之是以每一念來忽若有  
遺加以涉旬月迫季秋天光沉陰左右無色身非木  
石與獄吏爲伍此少卿所以仰天搥心泣盡而繼之  
以血者也下官雖乏鄉曲之譽然嘗聞君子之行矣

江文通集

卷五

七

其上則隱於篇肆之間卧於巖石之下次則結綬金  
馬之庭高議雲臺之上退則虜南越之君係單于之  
頸俱啓丹冊並圖青史寧爭分寸之末竟錐刀之利  
哉下官聞積毀銷金積讒磨骨遠則直生取疑於盜  
金近則伯魚被名於不義彼之二才猶或如是况在  
下官焉能自免昔上將之耻絳候幽獄名臣之羞史  
遷下室至如下官當何言哉夫以魯連之智辭祿而  
不反接輿之賢行歌而忘歸子陵閉關於東越仲蔚  
杜門於西秦亦良可知也

嗚呼下官事非其虛罪得



其真亦當鉗口吞舌伏匕首以殞身何以見齊  
節之人燕趙悲歌之士乎方今聖歷欽明天下樂業  
青雲浮洛榮光塞河西洎臨洮狄道北距飛狐陽原  
莫不浸仁沐義踞景飲醴而下官抱痛圓門含憤獄  
戶一物之微有足悲者仰惟大王少垂明白則梧丘  
之冤不愧於沉首鵠亭之鬼無恨於灰骨不任肝膽  
之切敬因執事以聞

到功曹參軍牋詣驃騎竟陵王

竊惟明使君鉞下道耀神源德鑄靈極誕涵天聰資

江文通集

卷五

八

河炤聖譽拂宏外芳激震中故衡梁孕秀瞻機流品  
變瑩光之暉贊玉燭之色功邁翊股績起匡漢是以  
赤瑕瓊寶之文睇影而負集青亂遺風之乘崑光而  
遠至如民者蓋不足筭所志不出繒販所學不遺祝  
筮業異儒墨行乖曾史既乏修短之術又慙啓塞之  
辨不能伏軾躡衡驚燕趙之郊黃金橫帶馳溜繩之  
幣語默罕緒圓方靡樹謬以一氣之微邀百載之會  
躬奉英眷身蒙青矚故以潤厚稟璧恩重兼金不悟  
懸黎降景靈河瀉潤復獲執羈蘭陳迎笏桂序漏越

之琴竊莊文之價缺齧之劍盜須臾之名心羞秦勝  
志慮楚犢抱魄踴躍憂集如燠鑄感何日銘報焉期

拜正員外郎表

臣遇鄉遠迹由學未徒不瑩彫龍之采寧照玄豹之  
飾自過被光私濫蒙恩幸屢度經冬之亟移春序皇緯  
如紉慙飛塵之効瞻基方峻謝寒露之勤故宜伏影  
軒間卷氣衡下猶蒙供事紫楹春役丹殿巡魄擎概  
榮渥不晤震離徹遂阿景洞幽復昇官清閨列版嚴  
闥叢識何筭爰忝叔則之仕非質焉樹廼謬仲容之  
職猥枉青釭增光空質心慄末塵情慙洞戶佇首矯  
迹以銘以奏

拜中書郎表

榮鬱兩臨恩俊交鏡悄然墜竄廼懼廼逝臣聞汝穎  
之金或揚采於四豪江淮之珠已馳光於七貴皆聲  
不妄美第豈庇立未有伎慙湘輿蒙送目之賞工謝  
綵輪竊歸風之價臣幼乏篆刻長睽圖史智罕効官  
志闕從政方遽求振風長 凌雨不悟遭社鳴之屬  
河清之會玄雲素霞必駕蓬萊白毳駢鱗咸蒙解遂

任通物任官登郎椽此實耀靈之私照而微臣之厚  
幸也仰惟皇衢大融氣品呈觀西傾棧山東鯁航海  
故竒士端威異人罄折皆相望北闕待詔南宮而臣  
學無利博文有伎害迺影裾頓旋伏黃扉之右曳纓  
轉笏居青瑣之前訪德於姑射聞道於崆峒伊臣之  
願過爲信矣昔望都才麗爵之上班長岑聞靡身終  
下秩愚臣方古悠然已泰內燭徘徊眇不識屆

江文通集

卷五

十

江文通文集卷第五終

幸也仰惟皇衢大融氣品呈觀西傾棧山東鯁航海  
故竒士端威異人罄折皆相望北闕待詔南宮而臣  
學無利博文有伎害迺影裾頓旋伏黃扉之右曳纓  
轉笏居青瑣之前訪德於姑射聞道於崆峒伊臣之  
願過爲信矣昔望都才麗爵之上班長岑聞靡身終  
下秩愚臣方古悠然已泰內燭徘徊眇不識屆

江文通文集卷第六

梁 濟陽江 淹著

明 新安汪士賢校

始安王拜征虜將軍丹陽尹章

既耀軒禮溼麩龔恩爽泗覲默中謝臣少識猶悔哀辛

方襲藉以毓采上霄搏華中漢飲惠延光侑爵假息

不悟瑤離降映繩河低文遂翊言關禁徒弟京部進

憲蒙淺塵素徒盈還迷懷悚風製罔樹循伏憂歛滅

虜燹哀不勝荷佩之情

江文通集 卷六

乙

始安王拜征虜將軍南兖州刺史章

絢服騰炤懋冊凝芬寅對迷隊慙泣文集中謝臣職右

南謝蒲鞭之政任重臨淄無遺獄之化自分金帝關

衆風尹訟壁緯裁復圭露詎淹不悟旻靈拂采霄景

汰色復交書河楚置傳江吳環董清潤旂文肅路寵

艷內維榮炫外圍方梗名慮有陋萃識冲生覲氣安

以翰謝不勝荒震屏營之情

建平王讓右將軍荊州刺史表

茂寵廼臨炫奪彛典巡恩鏡飾攪情震慮中謝臣聞該

秩詔序匪賢實能孚其職端維裂陔非功無或濫其  
選所以輪鞅國典締結民紐五威咸平四精或訓者  
也臣踐行迷方試業收緒徒以綴采宗莘承渥帝席  
執圭戴筆亟荷出內至乃曳組河縣茂馴羽之化鳴  
環京轂謝擇鱗之政聲績兩無風化雙缺而龜紐未  
剔爾書頻降復改冊湘區分瑞衡服競無賈琮交部  
之廉終乏郭伋并壤之信固以誼督民明秋隘身諷  
不悟皇靈再輝河海重渥遂踰恒采妄貴異等荆門  
務要方城任積水文沉澧山通岷峨襟帶百縣縈抱

江文通集

卷六

二

七州上德懋勳歎居斯地寧臣膠所宜膺荷是以焦  
薄寬色驚迫心影謹刷睿情置露弱志伏願陛下停  
旒弛珎暫炤瑣曲則鑄才式弘練物惟遠王度既清  
蒙識以泰不勝慙悚屏營之情

建平王拜右衛將軍荊州刺史章

珪冊停徽車旗爲耀襲禮炫衷迎恩震色

中

謝臣聞爵

以能委命以績降亦有玄雲結吹裊成燻之厚朱箱

累轍崇試宰之高而臣紐組頒守要王備政績廢江

區聲隘河部浮榮曠年叨光賒目掠以具察輿歌敢

鏡民誥不悟皇德至凝亭物惟幄復使承官楚封祗  
秩漳士任班河其事亞嶠陝橫術輻湊殷氓訟積靈  
曰明哲疇尅勝寄雖瀝丹局終懼蒙外不任銘戴匪  
處之情

建平王散五刑教

府州國紀綱吾謬繼朝組廼班恩命重渥華蕃踐寵  
懋旬永言政惠良攪憤寐况舊楚地曠前郢氓殷水  
帶枉者山匝魯陽自頃田邑榛故封井萊蕪財賦方  
屈犴獄寔繁息所以厚風釐俗變惡改調自五歲刑  
江文通集卷六  
三  
已下未連臺者一皆原遣文武彈坐亦悉復職主局  
依舊施散薄紆此懷

建平王謝賜石硯等啟

臣言奉勅賜石硯及法書互卷天旨又以臣書小進  
更使勤習敬閱榴筭側觀硯功張衛慙竒金瓊羞麗  
臣夙乏翰能素謝篤伎空賁恩輝徒隆慈飾方停煙  
墨未砥學玩仰結聖伏銘私荷不任下情

建平王謝王環刀等啟

奉勅賜王環刀等五種珍器臚伏蒙猥降飾軼采采

跨影懸魄崑崗歸琛闕山慚寶謹襲緹素以文握睇  
垂光既深銘佩更積不任下情

建平王慶明帝疾和禮上表

臣聞慶動至玄則昌胤敦序教乎上雲則紫寓交泰  
故祈寒辱暑無以變其和沴火疑陰不能徙其氣伏  
惟陛下至德遠稜實天縱聖仁鑄蒼岳道括寰海故  
丹陵之君疑金泥而謝賢媯墟之后眷龍圖而慚德  
頌聲救達歌思匪道而望景暫虧輪光少曖王權達  
和金幌輟念百祠未遑四嶽匪處吉蠲爲慶神御方  
休瑞廣文齡祥深武日具惟亟教倡愉兼薦臣班戚  
奉慈實自慶舞不勝悅豫之情

建平王慶安城王拜封表

麗采繩河映葦璿圃淑問夙孚令儀早晰撰告候辰  
昭膺輝序國維富禮皇塗疑衛具生屬慶懷讖戴躍  
臣亟悅楚邊魂馳關闕不任下情

建平王聘隱逸教

府州國紀綱夫媯夏已沒大道不行雖周惠之富猶  
有魚潭之士漢教之隆亦見樓山之夫迹絕雲氣意

負青天皆待絳螭驥首翠虬來儀是以遺風獨扇百  
代餘烈激厲後生斯乃王教之敷古人之意焉吾稅  
駕舊楚憇乘汀渾挹於陵之操想漢陰之高而山川  
遐久流風無沫養志數人並未徵采善操將棄良用  
慨然宜速詳舊禮各遣纁招庶暢此幽襟以旌蓬蓽  
建平王慶改號啓

竊以皇衢永謚則王曆惟禎國慶方夷則繩澤式茂  
故五鳳協年甘露應號况今道潤衍溢頌祉載繁嘉  
生蠲慶風雲瑞節旣觀招晨方鑄昌化延守一隅無  
以自屈不勝荒情

江文通集

卷六

五

建平王慶少帝登祚章

上書皇帝陛下伏承肇嗣天震雲飛璿極戎夏歸服  
民靈以戴中謝臣聞黃旗紆藻瑞益於姬帝紫雲垂蓋  
効異於劉后實乃深賜天衷廣映祗迹伏惟陛下騫  
英駕聖渥靈縱睿矩心明裁繩道詰時遙裔維符雜  
沓河紀是以膺符寶官輯命珍殿誼洗雲密德徽媯  
夏濬發鴻原長褊鄴緯方絢聲金圖騰華王曆波拚  
下珉炎躔上漢臣公葦締寵誠兼親屏禮升之日守



官楚甸不獲勉躬儲外奉敵行間魂泣江郊心泣京  
國不任悲仰哽慰之情

建平王答王太后正位章

上書王太后殿下伏承以今日淑辰曾光樞景慶芬  
祗外禮蔚寰中中臣聞道懋弟昌艱廣祉盛藻秩攸  
臻憲章斯飾伏惟殿下柔明固天夙資龔懿芬蕙翔  
聲端簡散譽冠采摯妊騰耀大妣丹陵蘊德玄丘棲  
聖煙煜國牒衍溢民聽誦道席教且詠且洽臣忝任  
蕃圍無由隨例闕廷不勝荒情

江文通集

卷六

六

建平王慶江皇后正位章

上書皇后殿下伏承以嘉月蕙時膺曜宸正翠珩炤  
品榆組在飾休通函夏譽殷靈昧中伏惟殿下岳曜  
靜德式懷謙順升降圖傳左右詩史夙鏡茂資早摛  
芳訓故以騰馥秘閨寫問中帷今靈緯載升崇正輝  
典衛教紫庭麗軌華屋聲激綺組風偃家邦黎玄湊  
仁雲祗宅慶遠邇有聞莫不傾渥臣限外任無由恭  
列軒屏不勝荒情

建平王太妃周氏行狀

竊聞候服之譽非黃冠能敷王食之問寧早衣所述  
諒畏褒美於君后被空名於鼎貴然有漢臣誅行晉  
史書德者亦云實而已焉伏見國太妃稟靈惟岳集  
慶自遠世擅淮汝族冠疇代故以載曜聲書式炳騰  
牒矣太妃誕離明之正和涵雲露之中氣凝采韶歲  
育童笄年若廼彤管文圖之學纂組綺縞之工升降  
虔謙之儀柔靜居順之節莫不中道若性不嚴而成  
故譽滿闈閭聲聞軒殿以元嘉某年歸于故司徒宣  
簡王既而弟高坦倫袂踰外品青軒華轂用光國輝  
江文通集 卷六 七

素壁丹墀寔隆家貴具惟姻娣靡不式瞻而居尊以  
簡訓卑以弘躬謹蘭閨身撫椒第若衛娥之炯行樊  
羸之映操方之茂如也大明二年宣簡王薨太妃藉  
悲用禮撫孤用慈柔懿之德愈彰肅敬之問日被雖  
文伯之母言不踰闕昔相之主行存乎勤無以過也  
大明某年拜建平王太妃是時今王春秋方富德業  
未隆藉茲金響終能王播故綺襦出宰弱冠升朝者  
亦太妃劬勞之訓也謂天蓋高降年不永以太豫元  
年二月三日薨于荊州之內寢凡厥遠邇以哀以歎

今祖行有期泉窆無遠素旂望路綵旌思歸所以垂  
宣徽容髣髴金石者謹詳牒行狀具以申言

建平王讓鎮南徐州刺史啓

臣言臣誓惟殃孽頻瀉四折慊慊狂愚匪蒙哀弔而  
聖旨懸嚴便賜斷表神垂意失音影何地吞悲茹號  
情膽載絕臣荒昧神氣羞首幼稟分踰鼎貴秩高外  
州臣乏素能或所不任况在憂年必取黜辱特爲開  
非常之恩借權製之義泰禮滅經實翦治本臣又能  
身祈命請一感天地躑躅表啓心容已醜猶疑大道  
之行墨纓不興孝治天下通喪獲遂陛下履被仁明  
品物無漏豈於微臣獨不蠲鑿焦鯁在躬輒復塵觸  
伏願暫輟聽覽少憐苦草則臣死之日猶生之年臨  
啓恍惚竟識無主不勝殞越休息之心

建平王之南徐州刺史辭闕表

臣過承寵靈閔黜假日徒抱皇慈無克橫草而品第  
題崇軒服逾峻顧茲醜窮彌覲荒昧今便奉官外甸  
卷迹徐山託慕宸嚴載惟感戀哀疾不獲詣闕不任  
窮鯁之情

江文通文集卷第七

梁 濟陽江 淹著

明 新安汪士賢校

勅為朝賢答劉休範書

言媯道鼎昌于羽未能戢姬德昭宣長旌猶卷舒焚  
衣毀冕有自來矣皇皇宋靈武誕命道鬱終三后運光  
四聖沓軌或經天緯地構紫靈之符調風偃海隆黃  
旗之祚莫不頌滿金石聲彰宇宙者也暨我太宗明  
皇帝惟岳降聖重耀函夏延禮壁臺訪道衢宰平陽

江文通集

卷七

乙

之后卷迹慙靈空同之君斂功謝德是以綵雲祥風  
之瑞布濩區中梯山棧火之俗欵微請吏跨商軼夏  
洗周滌漢道澤優衍猶不道封禪遐靈在天餘惠無  
珉主上文明金相穆然玉色履璧之禎獲珪之應者  
在紀歲仁浸汗河惠愛秋草想亦君之所聞也重以  
先帝靈略潛通英一遠取受話言必忠貞方肅之臣  
奉風聲必虔恭匪懈之士明時琴瑟鼎鉉之盛且被  
於寧世而忽覲來書以惋以慨君為齊梁楚越之主  
鼎貴一時金玉滿堂文馬千駟爵授湯沐冠蓋於道

惟名尊崇誰與爲雄而出言効尤吐音入戾舉旗類  
社志竊神禁稱兵歛衆遂窺外關今朝無闕政頓櫓  
凌上之節室無夔豎坐生莫大之豐鴟梟楮衣號興  
徒黨主萃淵藪寧滋之甚不臧不軌不忠不義未有  
若斯者也宗枝之釁遠則吳楚見禽於一壁盤石之  
嬖近則江荆面縛於小將此成敗蘭艾之鑒又亦君  
之謚已露童詠所謂妖由人作孽不可逃然桓侯之  
患良助寒心今羽林黃頭駱驛爭引熊渠飲飛首尾  
江文通集 卷七 二

電發伏波樓船掩江蔽汜渡遼甲卒充野布隰加以  
先天蓋世之略蕩海拔山之威任輔沛陳羽林鷁鷁  
露動龍驤精騎風驅然後六師雲起九軍星連蜺旌  
外江虹艦中水金甲映平陸鐵馬焰長原楚南嶽而  
求慨瞰九孤而懷恐伐罪弔民復驗於茲甫刑三千  
唯此爲大僕才等不羈志瀝丹款故奏禍福行矣悵  
然袁褚劉肅等疏

尚書符

起都宮軍局符  
蘭臺

侍御史大夫尊冠賤履君臣斯位愛順惡逆成敗可

恍未有憑凌我江郊侵軼我河縣而不流寬漂骨并  
宗血祀者也沈攸之寂寥無文起自甲卒邀我百戰  
之軍乘彼一捷之幸鑄山裂地紐紫要金擁旗香伯  
便無北面之禮受符方屏卽有專征之興箕賦深斂  
毒被郢南枉法矯刑毒聞荆西鬼恠其性故從始而  
遂終狼戾其志乃公少而得老山林不奔移袂爲慶  
踐祚無賀按劔稱予遂乃關馳送書亭炤妖火此而  
可賒孰不可宥今遣陳承叔彭文之等敢勁三萬前  
驅電耀呂安國任侯伯桓崇祖曹虎頭等樓艦五萬

騎射蛟中流苟元賓郭文孝程隱雋等輕舸二萬高  
旌蔽日周盤龍張文嘉薛道澗等鐵馬五千龍驤後  
陣凡此諸帥莫不氣薄日月精變虹蜺或飲羽石梁  
或超踰門樓索鐵拔距孤視萬旅顧眄則前後生風  
喑鳴則左右激電然鬘戎薄臨驍虎百萬六軍徐軌  
五輅遲旆丹艦發炤素甲生波樓煩白羽投鞍成岳  
漁陽黑騎浴鐵爲群於是高山與深谷共湮紫芝與  
白艾同滅不亦惜乎惜乎符至之日幸加三省其驅  
逼寢手之人鋒陣塢壁之主若有救命軍門一無所

問或能因罪立績賞不示私斬祛射袂唯功是與  
購募之科具列如上信如白水激然無二臺明諱旨飛  
火普加宣才文書千里馳驛

慰勞雍州文

皇帝謝鎮軍寧蠻二府雍州文武士庶等夫忠爲令  
德或感槩殺軀信實美行或殉義蹈節而沈攸之小  
豎反覆稱逆西藩表梁劉康潛使相扇遂擁據石頭  
並圖朝社梁康旣從王憲蒼黎同慶攸之孤州蟻聚  
勢必燼滅刺史張敬義氣雲騰秣馬星驅全羽十萬  
江文通集卷七  
四  
殄茲氛鯨曾不旋踵彼州南陽白水將相遺風忠義  
之士霜戈電發但戎車暫動念原未寧冬寒卿皆無  
恙

蕭驃騎讓封第二表

臣某言爲瀝愚丹已續前表猥降前詔未垂鏡恕一  
省驚慙再悻竟府靜躬自察啓居匪地

中謝

臣聞日薄

星迴昊天無以爽其節山盈川冲厚地不能虧其度  
豈不靈鑄言限神極無失况世道恒淪入彘剽奪數  
滿必公虛飾小故辭大臣才非古賢任鈞左戚行

山河兼金疊組爵麥常班寵溢前達以榮以渥且慙  
且覩雖嘉銘鼎之恭更懼循墟之速矧乃三司業貴  
上將地崇忽錄務廣河汾寄深珪禹方啓劔衛增肅  
旣驚朝野足震城邑殷周富士猶難其人漢魏多才  
亦罕兼職且麟閣之臣尚有位不及鉉全器之侯猶  
或任不並台名爵無假前世之雄規車旗勿濫中葉  
之英軌况鴻誥鬱集懋冊頌萃諒非虛薄輕所膺符  
令殷夏旣聲封國式固故天地燁燿日月更輝陛下  
停若鏡之明流如雲之愛方求士於板巖宜思賢於  
屠肆而私臣以闡廟寵臣以帷鼎位兼文武職愆內  
外非所以發夢涓濱儲精河藪鑄金刻石旣不可詮  
輿歌里頌其謂臣何仰緣大道方行蒼祗宅氣威靈  
所燭九功咸詠寧於庸臣獨隔恩耀誓守愚衷重扣  
雲日如蒙恩宥實生之幸不任慊欵之風

第三表

臣某言臣再抽慊請辭爲理屈側守圭漏伏望哀鑑  
而震緯嚴祕懔悰徒懸優遜之降非復常旨肅奉驚  
懷曠曉如失

中

謝臣炤冊訪古訟史稽昔以爲敷道之



寄管物成務忽錄之重臣績毗風莫不下協河岳上  
踵光緯先王所以長世後春所以字氓讚金圖之要  
輔樞曆之機者也臣本瑣委不慕聞達昔值英世頻  
遭時來感激光私未能自返烏可超乘厚任妄據高  
圖天道既平鬼神好謙臣亦何人而獨斯處所以不  
恤色忤頻犯鴻威者正以方圓之景已滿丹彤之色  
難加政能緯俗匪務傍職坐而燮道必在其人若臣  
武未燭韃橐之分文不藹樽俎之間德非時秀道乖  
物宗虛飾疲伍空貽上位則天變彰於飛流地眚見  
江文通集卷七 六

于震壓礪蕩民聽蕪沮物議綸言之出不追金石之  
謬已遠豈唯敗錦傷經毀鼎覆餗而已哉自非西京  
上績東都名勲河右群賢江左諸彥寧有誣叨天爵  
以爲已功者也昔南楚偏君鄢郢小政執珪柱國尚  
不輕授况車軌共文四溟同宅而以鄙蔽超居金鉉  
殊任鬱起臣心憂醜悚視丹如綠伏願陛下暫停冕  
纁少察愚實鑒臣覲情愍臣孤志廣天下之惠可死  
夫之諒中則國步永清門下永無謬悞不任憂駭之

情

蕭領軍讓司空并敦勸啓

臣某言臣忝心之請丹識以傾詔旨冲絕便賜新表  
伏聞當遣王人猥垂獎勸仰天光休俯增厲中臣謝

以為槐鉉之任百王攸先具司是屬冠冕式瞻化曜

昌輝連基政務事深崇替迹豫興衰故道富一時則  
風行明令才之適權則山摧河泣旣撓泪蒼祇將紊  
毀身國臣進退惟疑再三自顧實以陋情悲忘寵極  
但畏軼超疲五廼參鼎軸無德而貴豈敢偷存才怯  
任重物所不恕故弱識褊稟頻布前辭枯木朽株未

江文通集

卷七

七

隔蠲恕豈特大車方塵小雅有廢而已哉將據致寇  
之悔取鑒於茲矣且皇華之命居上之鴻私鳳舉之  
招為下之殊榮國勲必書史不謬牘况臣連牧園岳  
董率職方既鑠近古垂耀中葉揆望揣實為泰已甚  
而廼復降朱輪之使方枉青冊之勸寤寐怕恂諒無  
以任輒重素誠冒覬神炤伏願皇靈特垂開愍賜停  
正官之職并光 勸之使餘所榮忝誓不敢辭爾恭  
外屏祈廻恩授則於臣懍欵復為惠造不任憂戴匪  
惶之情

蕭領軍拜侍中刺史章

上書皇帝陛下即日詔書以臣爲侍中驃騎大將軍  
開府儀同三司班劍三十人等持節都督如故峻命  
在庭光冊充軒虹驂聳服朱轡佇蓋當對以懷心影  
若領中謝臣功乏至道不足以題象魏績非振民無可  
以書廟閣半漏未晏中鐘而驚實忌微庸起乘盛服  
竊疑國寵頓萃末躬今寰海順典瓊都咸光調御惟  
新鎔製就始良宜整變獻經詮明典緯九河式耀三  
辰載晰不悟陛下皇靈曲溢大賚斯降而鴻賞之行

江文通集

卷七

八

迺於臣始非所以騰振遙風激昂品流與人之誦具  
聞其黷頻露慊祈未阻鑿順今使虔禮青軒謹躬丹  
墀憂符怵怡慙屬兼軫不任屏營之情

蕭驃騎錄尚書事到省表

臣某言臣自妄蒙異寵輕荷殊爵書具猶登夜艾方  
驚誠以設器理陛下監冲滿懸魄金波徵驗虧闕茲  
乃天數去盈入經好退后所以裁成萬品下所以各  
慎百司未有違才易貫尅負末業者也且量力之誥  
實炳前書辭科之誨且招昔牒况臣徒竭弱質忠以

未對猶叨令恩山岳非重故慙屬交喪頻煩表疏必謂巡崖之慊不忽氣亮之清可期不悟皇明神馳鴻獎彌深雖守丹愚競絕蠲怨今輒耀纓上序鏘珮中軒德輕施重左右生華志盡輸謝終愧報効不任下情

蕭驃騎謝甲仗入殿表

臣某言臣卽日被勅賜給甲仗五十人入禁儀武殿飾冠疇典局此盛恩五情銘載臣聞國之利器在祀與戎蘭錡之設實允儲方故官騎辰居羽林天部瞰

江文通集

卷七

九

城龍塞言伏鬼方臣股肱之力不足以染丹青橫草之勤寧可以鑲金石而魚服象弭一旦虛授誕錫金珪方茲爲苟黃河如帶比金非賞故異寵之襲心魄共驚不世之服祇同輝雖攀靈河漢駿奔明哲慙迹駭衷無情以處

蕭驃騎護豫司二州表

臣某言臣傾心駐氣不蒙春感憂讐交鏡中寐再驚

中謝臣聞國曆惟耀則藻伯緝其才朝緯伊序則方率

司其度用能璿紐弗虧民教可變者也臣自少器業

無聞弘大誤變燕鼎起馮吳舟託翰負組假翼要瓊  
質圖玄素文寫青獲爵宮諸公任高群彥銓梁既失  
輻誦所湊雖反影毗道苟身替德朝微不昭民聽具  
溢豈非性力知限鑒度有崖乘茲而處猶懼紊辱之  
耻况此以任何堪湯溢之賜且董督條興皆非盛古  
至乃河襄初授或體兼上才江表廣任或功爲物首  
臣績陋於國不勤睿朝寵集若是非所尅敢終抱寸  
襟重露愚見伏願天鑄廣裁地靈厚載特垂蠲渥使  
不矜盈則藿質蓬性庶無矯奪不任匪晏之情

江文通集

卷七

十一

蕭驃騎發徐州三五教

州府紀綱沈攸之背慢靈極稽誅之日久矣况稱兵  
江漢之上圖譽廟闕之下惡熾罪盈民靈所絕朝廷  
以尅辰纂嚴令輿風駕吾任先責遠義兼常慨擬刃  
投袂信見其時方當水斬龍蛟陸斷犀兕雖烈士銜  
志壯夫投槩然雲羅既舒宜廣威防所統郡縣便普  
三五咸依舊格以赴戎麾主者飛火施行

蕭驃騎上頌表

臣某言伏見明詔變重便御親六師臣又謬惣群師

竊曰金火告燿昏明代卷雲電漈湊經綸相襲所以  
草昧縣寓昭晰區宙况乃逆徒阻兵器掩西服雖蟻  
衆鼠竊勢必褫散然尋伺難貸原煙易滅臣受等內  
楹稜威外闔按甲視夕沾襟待旦翦此凶渠庶匪曠  
旬但遂王輅躬臨雲蹕親駕悚悚慨交心實百常憤  
今便嚴率所統尅此月二十六日出次戎郊故已望  
江源以軫歎想荆山而增厲矣進止之宜更聽勅旨  
不任悚企匪寧之心

蕭驃騎築新亭壘埋枯骸教

江文通集

卷七

十一

府州綱紀夫汝南稱慈諒由掩骼廣漢流仁實存殞  
朽近柔製茲營崇堞浚漸古墟曩遂時有湮移深松  
茂草或到刊薙憑壙動懷巡隍增愴宜並爲收改  
毀奠祀土局詳辨施行

蕭驃騎謝被侍中慰勞表

臣某言卽日侍中秘書監臣戡至奉宣詔旨慰勞  
受國中帷練甲外壘旄麾救景輿徒競氣人懷秋  
士蓄霜斷晦菟已掩氛豎耒懸稽鉞竝威寢興震慨  
今王人臨郊皇華降庭輝燿望實將激威武戴鷁之

夫迎光蹀恩枝石之師攀炤竦真筴績越醪方茲斬  
潤臣忝屬固私彌抱渥洽不任下情

蕭驃騎慶平賊表

臣某言狂賊沈攸之棄天犯紀毀禮滅緯外陵南  
內壘西夏警讐涵氣咸百讎憤賴皇威遐制璿圖廣  
馭四海競順其會如林仰綏宗稷之靈俯輯士民之  
効故嚴効裁交妖鋒折首凱期既辱樂飲在晨斯乃  
紫曆方永蒼氓同慶臣備符寵私時深抃舞不任踴  
躍之情

江文通集卷七

蕭驃騎解嚴輸黃鉞表

臣某言逆沴電熾凶妖霧舒志夫禋天情已類社故  
乃馳羽江郊驚燧山甸雖藏智審其黠戮涵識判其  
奔沮然兵扈難輕義險宜備故鷹寵無辭奉鉞不讓  
今元凶既殪醜徒自紊稷霽方卷郢氛已廓樂瑄登  
肆禮衣曳朝不宜復假殊服取缺彛則輒上還王府  
永戢祕館

蕭驃騎讓太尉增封第三表

臣某言以鉉司崇貴袞位淵嚴非德非功無忝無溢

故誓蒐肆請舒衷仰謫不能曲流茲炤遂乃徒浴恩  
獎周覽未交靈爽以懼中臣歷古公圖循遠訪繪未

嘗不麗選台妙簡槐采者也魯鄭之賢戚曹蕭之勳

彥吳登之盛功王鍾之素業孔明之居蜀茂弘之在

晉皆僉曰伊人是以處無懦色臣官逢昌世運漸時

明頻煩紫涅綢繆璿命身薄施厚感厲愈深遂負機

繩之託猥集衝梁之任風軌不樹徽猷罕宣無以式

翦寇兆載弭茲義致虹沴阻於上京蜺妖扇於下國

寔賴藩伯鞠旅侯甸入守攬槍旬始煙祛霧卷故皇

江文通集卷七

十三

道威稜之由神緯昭曷之効臣豈有探覈察幽之智

攻城野戰之力哉今迹無小功事貽大賞愧寤終朝

斬夢流夜咨此庸弱何以任忝伏惟淮泗猶梗趙魏

未賓中源久蕪神州方翳思樂盛猷願厲聲頌將陪

雲駮以北守扈朝服以濟師乃為少雪庸誠微謝天

眷耳寧容遽竊茂爵輕頒鴻名者乎伏願聖渥遐覃

賜以矜宥霈焉垂仁穆然惠德丘祈旦亮慙志夕滿

雖蹈庇戾猶深抃躍

蕭驃騎讓太尉增封表



臣某言撰心求私精衷肅亮情不感神理無動天詔  
飾旣降辭表是絕朱紱方臻金鉉未有魄慮再馳詵  
然改厝臣局志久戰淺槩已領具煩寸管備黷尺史  
曠旬浹景祈指遂宜猶謂設品分職實以仰銓壁緯  
列寵縣榮故乃俯酌瑤陛迹照盈缺道協興降上眷  
所以僉舉前英所以詳能今若弟隨私貴爵與私宦  
紊湯經邦斷折民紀豈可還風中葉逃聽退代者也  
臣才之往賢績謝古列妖鋒孽火將炎天地幸郊甸  
或靜江山以闕文軒華劍旣榮旣峻侯桂食又盈

江文通集卷七

十四

又滿祿高誥厚任重責深弱節兼誠普思不淺伏願  
隆慈特垂明愍臣奉國猶家慮公若私秉軸之鈞心  
希在治不任懇懇之情

蕭驃騎讓油幢表

臣某言奉詔賜車一乘竊以國容方穆旗章式序朝  
禮求清儀服咸貫故象車建鑣尚爛明圖朱箱玄蓋  
猶矚漢篆皆旌羽勿差功庸匪濫臣忝爵山重蒙榮  
海深襲恩祗冊已慙初並浮祿素位方疚心路鑒古  
以惕巡世罔然不宜假文丹憶空飾早轡仰思至道

俯恤物僭伏願聖遠特停華渥書息上請追深恩禮  
不任下情

明 新安汪 濟陽江 海著


蕭太尉上便宜表

臣公言臣聞經邦緯治去華為急體

江文通集

卷七

十五



臣基言奉詔賜車一乘竊以國容方  
禮未清儀服咸貫故象革建鏤尚  
猶煇漢豕皆旌羽勿差功庸匪

不任下情 祇冊已斬初並浮禮

謝血替大願聖表

江文通文集卷第八

梁 濟陽江 淹著

明 新安汪士賢校

蕭太尉上便宜表

臣公言臣聞經邦緯治去華爲急體國字民循素乃安聖詔遺風具騰丹冊賢言未流備宣青史何嘗不翦削浮奢銷遣文繪然後頌音載興澤洽式廣楚駕百馬民雜國彫秦脩萬騎教二業墜刻楸丹楹禮有常序朱幡皂蓋古無濫秩縹衣綸綬漢置前寄制服

江文通集卷八

乙

惟物周設常刑皆節俗約訓反樸還風肅政黎心釐一民志故禮奢寧儉宣尼之高風以義止利孟軻之宏規若乃文彩利劍道鑿其元彫蟲篆刻世炤其淺雖儒墨異學名法各治至於遵本捨末其槩一也故荀韓之立典君晏之制書賈陸之鴻筆嚴徐之博辭食賀興志躡鐵生論莫不異說而同儉垂議而共治然世淪物起道缺事遷蓋源起西秦波被東漢一魏不變二晉未華所從來者遠矣洎高祖武皇帝業高縣寓化格區宙非躬謙度方追重華納麓之勤約情

僞撰取文命且宮之義去金錦之巧無  
唯修遠圖綏國之術祈勸力耕濟世之規是以政平  
刑儼紫階斯廓太祖文皇帝恭已明臺之上聽政衢  
室之下九宮咸靜萬績惟凝亦復務抑華詔思裁參  
大輿馬翠翟之麗掛登乎外禁瑤碧綺組之玩罕設  
於內宮故大德立而五路謚鴻名建而四民寧者也  
自頃政教日替敦教月虧誰惟歷稔亦日淹紀至乃  
帝臺傾海外之寶王城盡天下之祕象席珠履一躡  
而卽收鏤琴絲瑟再撫而已損褻衣隨塵而罷羅袂  
從風而棄百民染其聲奢萬姓被其馳蕩故闕闔之  
里富者竊梁楚之乘伎巧之家豪者襲王公之服於  
是有文靡虛麗驕邪不典之器精織空飾妙蠱非常  
之玩農夫勤耨不充浮伎之資蠶女務織無給點刻  
之費將恐去實就華未知所屆背源從流不識其止  
求國富兵強寧可得乎今江南所宅正漢魏兩州之  
地戶口所檢裁文景三郡之民舊齊故魯鞠爲茂草  
全趙盛魏豺狼所嗥陛下方欲鳴鑾中土朝服濟河  
不改斯術則未見其可也臣謬屬大任竊同憂泰日

晏宵分實忘饑寢草治其莠職此爲先輒具條便正  
可以安邦利民者事事如右幸以聞見謹簡聖聽若  
其咸允謹請勅付外施行

讓太傅楊州牧表

崇絕之寵降自白日殊甚之禮墜於青雲祇畏驗盛  
若奪菟鑿巡席無容當軒改色中謝臣聞天地之大德  
曰生聖人之大寶曰位將以啓廓靈緯崇樹神紀百  
司備列貴賤之分既炳九官咸贊升降之際可明故  
皇極不喪國步斯泰雖金媯各政姬華異治未有革

江文通集卷八

三

序變倫而能流英發耀者也臣才慙右賢功愧上烈  
北道吳魏之氣無宣於國書濟河登山之威未亮於  
左史既罕龍韜金匱之効又乏楹間帷中之績衛王  
徒橫流臣危不足生細民故小節明顯於艱難

太

乎廊廟而乘輅服冕荷蕭張之賞開城裂

城之醫不能翊教緝政釐濟氓隱贊邦弘化

益之胡輝是以德少寵多與人立規才薄位厚處士

以之故玉燭未調道猶鬱者臣之爲媿也不悟陛

下復停日月之華凝煙露之潤懼臣瑣姿登臣陋誠

前恩未曠後寵已襲上公祕鉞聲振都鄙文劍影寫  
禮殊軒殿深褻之逮方今爲絕大賚之降比古爲超  
臣亦何功當處斯忝伏願道邈先帝理鏡衆寂被氣  
順方涵生獲慶特輟策書時停鴻冊則人歌僉乎物  
抱至歡

蕭重讓楊州表

臣某言臣以功狹賞峻世誥所鄙才弱寵隆道經所  
講故寫寇誓膽庶留天矚圖驕慮滿護守私吝不

青蘋引風陽燧嬰景復降綸冊微采兼明影迹交戰

江文通集八卷八

四

水煙相薄中謝竊聞周夏異章玄素各禮儒道二宗名

墨兩教咸以裕俗爲急愈以得人爲寶於是尊官上

品乃貽玉振之賢鴻等懋列爲取金聲之彥或有濟

世夷難之略輝燿內氓導江疏山之勤纏結中寓深

德衍溢大功振驚然後超居國右鬱處朝端故九職

惟宣六典式序丹青所以傳其藹聲瑄所以揚其音

也臣才敝識淺非集譽於鄉曲榮降寵臻乃假翼於

皇極遂事等話言之寄任鈞符負圖之重職惣表裏

地聯機務位班昔良知闕前修居官不聞其風處秩

焉見其政寰域之治未緝街縣之訟方興繒坂之士  
無薦管庫之家寂寞四維不闡五教罕聞女可以底  
慎財賦文正庶士者也今輟和毗道反身贊業尚據  
晦橈獲救瑛圖况異禮更飾褻命復從名超列辟爵  
擬羣后上仁居之猶涵懃德臣貫空儒伊何以勝旣  
誣人文將黷玄緝凌歷飛流之青懼失正和晦裂蜺  
霧之災且濫庶物臣是以寤寐求歎憂國慮私者也  
伏聞陛下裁天賦品制地平施使曠世之與不遂臻  
於末躬迥代之軌無頓被於茲日素心丹魄噉然靡  
疚矣不任愛迫之情

江文通集卷八

五

後讓太傅揚州牧表

臣公言臣再辭非謙重讓靡飾實以爵高中世歷古  
所難寵冠上俗繇代誰易詳圖辨箴如鏡如水檢崖  
覽志匪彫匪文克祈夢請駐心挂氣陛下猶降以璽  
書之榮被以丹碧之采頓然變容一慮九逝中臣以  
爲寒暑繇平平分晦明驗乎天道咎譽起於微薄得  
吝生於小疵故金衡旣陳錯髮之具必縣銅墨成計  
分撮之殊已傾聖誓不能爽鬼神莫由避况臣下稟

早盈陋才久溢第超庶后禮絕群班仰贊東序之賓  
乎參北宮之政窮盈極滿於斯爲甚鑿茲降替淵氷  
非譬所以坐洞房而不悟下輕帷而嘆息也古之馭  
教當有道焉量能而受賞撰智而錫位深乃裂組遠  
故分珪前人以爲稱首昔人以爲美詠自非上德橫  
乎天地高績格于區宇烈譽馭於一時茂名鬱乎當  
世者豈有降今日而莫先哉臣爰蒙殊寄六稔遂交  
及荷愆任二燿忽周末能塞謗生民獲免僮訟何盛  
勲之足題詎深烈之可銘乎而因委忝濫踰溢倫等  
江文通集卷八  
六

朱軒躍馬光出電入貂冠紫綬寵藹霞炤臣聞闔宗  
奉國猶非報殉方將身侍纓華雪齊魯之侵地手執  
羈勒驚燕趙之遠郊然後追述范張濯纓汾射臣之  
志也華爵盛曲非所敢寧伏炤右廵將流聖察無使  
匹槩血誠不諒於璿宸宏芬英猷遂燕於里聽豈伊  
庸臣獨去其庇亦曰海隅咸被其利焉

蕭被侍中敦勸表

臣公言卽日侍中臣惠基給事黃門侍郎臣王僧珍  
至朱蓋乘雲玄軒蕭霧墜高天之旨集微臣之軀神



爽懼然歛影無地中臣初長血心未啓素旣辭從意

空言隨事盡不能降陛下謝一時之恩借俄頃之炤遂

枉近侍貂簪軼庭臣自亮無庸何以集此退咎慊誠

悲枉垂光進戒朝訓虧茲盛序感慮躑躅榮結夢寐

臣檢古少例巡令逾疑豈有妄叨天功虛竊上賞近

謬國華坐取隆貴人見其過外惜皇猷內畏私青昔

西京鼎秩漢世權家丹墀網戶擊鍾連騎何常不以

驕滿貽戾謙冲要福者哉臣不能遵煙洲而謝岐嶷

迎雲山而揖許由激昂榮華之間沈潛印組之內尤

江文通集卷八

七

飾既超籠靈亦遠江左已來罕見其倫今位冠朝端

通侯萬戶結象亞於前衝奏金管於後陣都野宗其

榮盛視聽敬其炎貴臣一旦居之誰以為不忝者乎

而陛下猶崇以異禮者是增臣之戾也况復肅延華

勸實深窘迫伏願俯矜卑志賜遂前請則世寢橫議

臣蒙緩責

蕭被尚書敦勸重讓表

臣公言臣五寫丹翹宜蒙凝炤一降王人遂無蠲察

復遣尚書臣武兼侍中臣奐等奉宣慈靈重賜勉誨

鏡伏廻環憫默失圖心鬼交據淵谷匪管中臣自初

被詔迄于今時載慙載疑以悚以厲豈非深懼鴻興  
永憂末躬故琴瑟徒鳴不傳廣樂之響燈燼空舉焉  
續經星之耀何則卓乎小者不足以任大守于蔽者  
不可以語通臣器乏淵源識暗機務倫濟夷險毋憑  
璿曆之遠龕折氛蜺輒資群才之効臣寧有採竒鑿  
隱之能網國提民之功乎不謂過延渥洽謬攀河漢  
榮宗竄益寵華暉映藉聲探議共知其幸况傳保之  
崇殷周特貴牧司之寄魏晉稱重上昭妙德次擬英  
江文通集八卷八

勲有踰茲序渺不紊裂今陛下方闢金門之聽調繡  
展之政何得去禮廢雅近於臣始旣無前章孰表後  
世臣才孤位峻待罪無日矣情哀理感事盡於斯伏  
願一運天景微見藹心則物不逃形臣何恨焉不勝  
焦憂狼狽之至

蕭讓劔履殊禮表

臣公言近仰眇威靈辭移理奪故欲冒忝傳識必避  
殊禮不悟復凝令詔雕飾非常鏡睇末周金火交慮  
中謝臣聞寵以昭賢不濫才外之華燧以麗身豈謀分

表之渥哲后所以僉授貞臣所以慎荷故行正行王  
尚無輕頒一爵一號猶宜詳品况劔舄升陞贊唱異  
儀殆爲對越神體抗禮天極漢魏舊載唯斯稱重雖  
英袞筵朝賢武滿世蒙此典者乃曠古時降耳諒由  
功饒賞結名高器深金蟬綠綬未 藹其采瓊珮朱  
紱不足宜其榮方加以履殿優以勿趨 至第爲上  
公貴爲皇王佇望慈禮猶邈如也臣何燁業 兼昔  
人且令所慮受以懼覆悔豈復聞殊旨增其憂迓抱  
此愚欵以殞爲請伏願天鑒順臣所守則雖歿九幽

江文通集卷八

九

傳榮萬葉矣

蕭拜太尉揚州牧表

玄文旣降雕牒增輝禮謁前英寵華昔典仰震威容  
俯慙陋識心竟戰慄若殞若殞中臣景能驗才無假

外鏡撰已練志久測內涯故讓不飾迹辭非謙距寸

亮尺素頻觸瑤纒丹情實理備塵珠冕而神居寂阻

九重嚴絕徒懷漢臣伏闕之誠競無譽人迴日之感

所以迴懼鴻威後奔殊令者也旣而永鑒隆魏緬思

宏晉國之大政在功與位故 民紐亂不處輿臺之

下去勲捨德寧班衮司之上咸以休對性業裁成器  
靈詎有移風變範尅耀倫序者乎臣績不昭忠豈宜  
國名爵赫曦飽俛優忝陛下久超以異禮之榮越次  
殊常之秩雖寢寐矜戰曲垂哀亮而璽冊冲正愈賜  
砥礪今便肅順天誥恭聞眷典審躬酌私必跋危撓  
將恐氓俗由此方擾軌訓以之交蕪臣豈不勉智罄  
忠也未知所以報奉淵聖輸感霄極取諸微躬長為  
慙荷

蕭太尉子姪為領軍江州兗州豫州淮南黃

江文通集卷八

十

門謝啓

臣公言臣頻結崇籠亟延上爵休恩動俗烈榮振古  
鴻品清飾已藹金圖秀鼎號銘共茂瑤篆永言戚慮  
鑒寐殷心况乃秩洽朝門慶霑國珮弱息臣謹疑映  
晃等文不昭典武不定功出內帷聞升降貂綬或振  
迹領候職贊禁錡或騰光江甸任鈞屏翼河兗衝要  
旣濫北門之管淮豫險捍又謬西偏之寄兄子臣鸞  
忝守近畿嫡孫臣基載華省闈皆倏忽晷景頻煩升  
荷雖咸罄愚識恪居匪替豈足以少塞神渥裁酬星

卷當黷一盈慙厲彌積談天之辨不能爲臣陳辭雕  
龍之文無以爲臣飾愧靜然肅念徘徊交集不任憂  
感沐浴之情

蕭太傅謝追贈父祖表

臣公言卽日兼謁者僕射姓名奉宣詔書追贈臣亡  
祖其太常卿亡父其爲散騎常侍特進左光祿大夫  
寵輝泉高恩凝松石奉渥銘心祗光慟慮中臣行阻  
祗玄躬早荼棘如創之痛具日不追終身之恤霜露  
彌感雖慙曾輿喬木之敬實抱仲路華轂之哀自謬

江文通集卷八

十一

藉珪金空貽組紉爵修於公祿盈於私何嘗不靜歛  
其結默慕交深不悟暮孝動天昭性曠古惠被遠紀  
澤演慶世丹請靡諒峻冊愈疑大榮焦身尚驚異施  
况寵洽山拍特振殊造銷骨瀝命猶不勝謝不任鯁  
泗荷珮之誠

蕭太傅東耕教

三府二州綱紀夫寶農賤貨綵炤周騰巡耕去敗光  
炎漢錄故能業滋都野產殷絃縣吾任屬弘寄思  
治源慮以感情以宵嘆今玄司調氣青祗佇節

既柔服 方秀電爍有期 桐萌無遠 便當躬逆 緝  
耦道先列 辟事均暫 勞迹在末 豫可克日 備辦詳典  
施行

蕭太傅辭輿駕親幸表

臣公言近以神輿將降 昌啓丹辭 重被還旨 未垂闡  
允謙尊 彌光褒優 愈臨慙疚 既積敢忘 謙請臣乘幸  
藉私 豈曰無僭 攀霞鏡月 非復常所 此必讓德 信在  
於茲 但恩嚴交泊 固守莫從 免默恭典 伊榮加戚 寧  
容爰枉 鸞駕式驚 臣府訪心 驗已諒以不夷 求物校  
江文通集 卷八

十二

迹誓無此 義且古今 異飾紫青 變禮取諸 臣躬未覲  
其安 伏願陛下 賜止冕輅 時停雲駕 則俗踐知 方臣  
蹈厚恭

蕭護前部羽葆鼓吹表

臣聞國容軍禮 旌羽昭其華 躡第乘鸞 藎藹其飾  
所以炎燿 仙都崇麗 神境世罕 之垂彩 民聽以之  
流文 故勒岫銘 海之功 鞞革 詠龕 難夷 邦之業  
簾管 凝其聲 朱鷺玄雲 旣錫 靈山 芳樹 以頌 奇  
勳 爰及台賢 位高 藩戚 名洽 風行 正私 賞皆 爲發

吹後陣豈曰兼奏前軒茲典罕行此禮實曠臣竊服  
已弘叨光無限才局秩速常銜猶耀安可二葆同整  
雙弄頓驚覽躬惕然特貽厚謬伏願明燦日月靡忘  
情鑒將停盛飾遂臣慊心則涵惠旣饒恭錫多矣

謝開府辟召表

臣公言近被詔旨賜令臣府自辟僚賢竊聞治以才  
爲寶教以人爲貴激風揚旌賔賓山東之英凝華重  
馥良在關西之彥近以闡耀世經發麗朝序今州策  
郡聘茲禮尚堦台召鉉辟斯文亟暖豈非盛美難嗣  
故曠寂先芬者哉臣謬贊國機職宜水鑒未能澄刑  
炤藝薦品任官旣乖覆業彌感深寄仰屬皇心遙覃  
察政洞俗弘此懿典崇臣遠寵輒祇眷恩謹宣嚴壑  
庶幽居之士蘿薜可卷奇武異文無絕於古

蕭上銅鐘芝草琅瑞表

臣公言臣聞象際玄通豈以明昧咀運幽崖遙鏡不  
以人靈異謀威書壁誥旣信其綵綠鱗丹字彌驗其  
文是以業謁鴻經則煙露呈炤精昭景緯則川岳發  
華故寶鼎白雲瑞集軒世芝房赤鴈祥委漢年玄姬

鴻鐘遠炳晉室玉壁靈岳近耀皇宗自火明景規泰  
始疊矩朱髻素毳之至史不絕書奇葉珍柯之獻府  
無虛月今懋曆啓圖靈基再固頃歲以來禎應四塞  
近獲豫州刺史劉懷珍解稱所統建寧郡建寧縣昌  
村民於方山中採藥忽聞異響從石上得銅鼓一枚  
長二尺一寸遠像古鑄近乖今製又州界之內樹生  
連理二木隔澗滕枝相通越壑跨水合爲一榦方之  
舊說彌復爲貴宣城所統臨城縣山中獲草一株交  
柯攢莖紫蓋黃裏貞潤曄曄自然天華採掇歷時質

江文通集八卷八

十四

色不變

柄據有徵近獲吳興太守臣王奐云

十一月二十九日解所統長城縣令臣張撝解稱其  
月二十五日甘露降縣東界下山之陰又東太守臣  
腦解所統武進令臣紀法宗云十一月十日解稱其  
月二十四日甘露降於彭山松樹至九日又降如初  
臣以祥緯雜沓星燭波連斯乃靈迹深覃眷衷夙感  
理應寫順祗無涵祕稽往徵古僉欣升泰瑤光日闡  
王繩永休謹拜表遣兼長史參軍臣姓名奉銅鐘芝

草以聞

江文通集卷第八終



江文通文集卷第九

梁 濟陽江 淹著

明 新安汪士賢校

蕭讓太傅相國齊公十郡九錫表

備九錫之禮非常之冊分天而降冠古之典開河而出遙然以慙竟交象魏中臣聞日月權輿二儀所以剋靈君臣設極三統所以式固惟生與位謂之大寶辨諸文而尊卑既炳觀羣龍而貴賤可正雖復殷因於夏王資於帝至乎建侯分職體國經野其揆一焉

江文通集卷九

乙

是以二周之始山河愈廣兩漢之初封賞彌盛然表東海者實牧野之日瞻魯邦者乃負圖之辰西都英相信命世之功關中上宰亦龕亂之力拒鬯彤弓本西伯之賞虎賁戎路又晉公之典若乃衣裳盟會九合一匡猶懃德斯禮也臣實鄙才靡識大體徒以忠貞爲堅而勞不足銘雖以丹素爲誠而功無可勒豈有經天緯地之略探隱炤寂之智哉抑亦何術以堪盛休是以覽雲際而懷古憑軒梲而未寧也伏惟陛下神華馭世理無不鏡賜臣待謗今職守其私滿則

天下有道庶人不疑矣

第二表

臣公言臣近勵心聲辭寫情畢議眇望神藻鑒見丹襟而帝闈以祕論誥方明中庶卷容左右軫慮中臣謝

以爲麗天秉經君上之彝憲儀地執緯臣下之恒軌故皇極載凝庶士交慎昔者重黎勤官裁居炎冥之職羲叔能任方掌日月之序至乎御龍勤夏未聞冠俗之爵大彭翼商豈見超世之典以古先哲后如茲之慎賞也臣乃謬貽國寄志在靜難若夫野戰虹蜺

江文通集卷九

二

伏順者易爲威城攻黥虺奉國者理必全雲氣薄蝕下民咸貴其明恃險輿馬舟中皆可異議故昌邑有歸邱吳楚無旋師斯激芬楊旌物同其幸焚惡去醜世共其庇實爲仰憑俯順之効臣亦何力之有焉竊謂祿爲十郡必俟禹迹之勤錫以九命乃須周公之美况呂梁不鑿而罍重玄珪越裳未獻而賦擬千乘京關識其崇貴畿服知其忝冒鏡前修而慙形覲往德而聳慮畏崖之請取誓深水審量之祈呈炤皦景伏願陛下遠牽雄範近覽英規憑霞停詔臨風輟恩

豈伊愚臣方獨昌化具日遺氓咸蒙其賴矣

被百僚敦勸受表

臣公言臣欵誠素履頰載縑翰天飾高獎累降史筆  
卽日尚書臣某等至重宣詔旨猥辱百僚省睨未交  
心靈已悸中謝臣聞良宰謀朝不必借威貞臣衛主修  
已則足故驕滿之失取鏡函關謙測之美見炤伊闕  
臣本庸人識無遠度籍開關之辰遭撓槍之運姦回  
內典則戮力瓊都諸侯放命則抗節瑤祀秉號仗義  
李不辱威皆爲冕旒遥鑒之明群士畫圖之助臣寧  
望伊摯叔且之爵呂牙申明之賞哉方欲謝簪東都  
濯冠汾陽不悟盛禮華典復臻於茲靜默廻環祗畏  
躑躅猶謂遇聰明之朝當時雍之世陛下詠堯風之  
化歌卿雲之詩日月華采萬方獲性疊慮仰祈必蒙  
題品而威嚴竊絕斯異遂阻鑾輿王駕復許敦幸重  
臣愆悔無地自安便當謹恭鴻命竭身爲限

蕭拜相國齊公十郡九錫章

殊命寶鼎鬱降雲天采詔軒騎光流城禦震驚華禮  
神氣交越中謝臣才謝深英器慙遠度進寡兵車召陵

之盟退靡朝歌河內之會無束馬山戎之績懸車流  
沙之功故望寵未安踐榮加懼况納陞朱戶事絕辟  
班金璽綠綬儀參鴻典聞命屏營以憂以墜近申微  
歎日月之鑿既阻方懼難儼蘭芳之貞愈峻遂致百  
辟卿后踟躕於衛闕變轅旗旂方幸於臣府悵然遙  
慮將貽厚戾文章徒單迄無蠲省而天威咫尺丹懷  
罔固輒肅恭文物翹拜榮禮違距以深追增怵迫德  
輜寵盛於斯為微非臣鄙虛所能酬對

蕭相國讓進爵為王第二表

江文通集八卷九

四

臣結慮歸請三辰未鏡傾鬼仰視九天彌阻重炳微  
策再晰光詔理晦情震若涉嚴淵中謝臣業不出世績  
未逮古謬藉明政陳力就列艱多智寡翊贊罔樹若  
乃洪範不修鍾繇旒之日九黎亂政當摧軸之辰雖  
瀝命奉時蘭禍提下亟防明之陋貽慙昔人杜險之  
菽取愧前英故十萬之師無集橐行之邱千金之貴  
恒單白藏之府戈船發於江湖戎車出於石城然後  
雲徹席卷虔劉巨禍臣實應焉不悟上賞亟降華爵  
必集雖延首紫局翹意宸居執為守約之志既謝簡

鑒避賢辭智之請終無開允故受任專征遠邇知寵  
聲封四履候甸推禮普虞思勤夏不列殊物之錫晉  
叔匡周豈頒上公之典燕藩懿親裁蒙袞烏之榮梁  
國戚屬方忝旌旗之貴而臣包括庶揆惣納儀形蓋  
由近古非三代之遠體也公復乃踰九命爰超五等  
域中之稱麗天作則探情顧抱崑所允安者哉伏願  
陛下一檢丹崖遂臣慊心無使怵迫深貽庇矣

蕭相國拜齊王表

臣無佐夏匡殷之功威晉服楚之績業不題於宗器

江文通集卷九

五

聲靡記於彝典而超居上禮邈秉峻爵靜念隆昏焦  
原非譬中謝臣以爲衆官咸事帝謨所以式序群后剋

讓王猷所以載穆况臣訪德語勤未泊伊稷之能藉  
靈懷寵以濫周邵之秩故駐蒐仰請瀝意歸聞理竭  
素牒事罄丹史具微太微備簡玉繩而才輪志淺隔  
景絕炤朱輪之使日月亟紆金鑾之尊旦夕將拂巡  
情覽識豈伊寧處今便肅典內軒恭服外屏大夫有  
命古或無違王假有廟今臣爲叨三省空慙震據于

心

齊王謝冕旒諸法物表

臣王言以軒冕雲蹕旣非常之飾宮懸王威乃配天之禮故呈襟効慮必期蠲亮重被還旨芳訊愈越鏡伏殊私情影遠震謝昔大啓營丘未備樹羽之賞先宅曲阜始兼龍旂之貴况道狹慶隆身薄器尊扮璽爭輝瓌火鏡耀夫太常圖列星之采華蓋觀古人之情所以聳絕百縣崇膺萬寓鳳閣因此而神瓊都由茲而麗故愧功慙德違儀避誠不遙孚理無復違遂貽嚴誥爰斷辭表驚慄遲迴祈鑒何地便當肅對

江文通集一八卷九

六

王休敬昭異寵佩服盛文以慨以懼

齊王讓禪表

遠規唐虞永悼之典近慕漢魏高樹之禮旣覽金水昏明之數又協雲電隆替之徵激風太上扇采至公聞命驚蕤心靈殞越謝臣聞天地草昧而樹之君所以平對二儀顯臨萬國膺符受曆愍明司幽軒轅陟柞首出庶物顓頊登庸作爲民紀雖五德迭興十代繼運非賢非睿莫預斯位若乃與能之交禪錫之會豈伊虛薄所可尊擬昔傅巖謝商秩終上公礪溪翼

周名極列伯臣才非若人功愧遠聖獄訟不往  
寧歸河之馬圖之寶天無乘龍之錫元首股肱誓不  
可異而曠棄之軌忽臻於茲慙慨憂灼罔識其際伏  
願陛下貴舜禹之心臣守巢由之節則道耀日月澤  
浸飛泳聲振開闢仁動今古四三王而六五帝不亦  
休哉

遣大使巡詔

門下昔明王馭世巡獄采政睿后司朝觀俗調化故  
生無鬱滯物獲脩通聲風拯患於茲爲急朕以輪薄

江文通集

卷九

七

昧于大道因璿璣之曆遵三德之運緬鑒前哲寤寐  
求歎思所以闢訪治蠹詢求民瘼才寡務殷若無津  
涖故以情深危薄心疚夙夜矣可普遣大使分行四  
方推賢薦能問疾舉滯若其采野不闢犴訟有虧妨  
氓利害擾黷政經者具以奏聞如其讜言嘉話真士  
奇才亦依名騰上隨事均量務取厥中朕將親覽以  
弘遠化

賜赦交州詔

門下交部昔值時諒負海不朝因迷遂往歸欵莫山

今創制萬萬烟燼造物原形四裔澤浹中畿愆彼邊  
氓未均王化宣弘遠仁蕩以更始可曲赦彼州統內  
咸同曠泰李叔獻一人卽撫南土其股肱文武詳材  
選推并遣大使宣揚朝旨

### 斷募士詔

門下設募取將懸賞購士蓋出權宜非曰經制頃者  
民懼氛藹世襲艱阻因時流故浸以成俗斯風蕩而  
未返且滋長逋逸開罪山湖遂乃鯨刑不辱草竊無  
咎平政察洽萌合甄革自今已後可悉斷衆募

江文通集卷九

八

### 封江冠軍等詔

門下締基緯業序功倏急開曆闡祚酬庸爲先故以  
式藹曩書載炳前軌文仲假等或威亮艱危効彰屯  
誠皆績幹兩宣勒國兼立宜各分珪社以酬厥勞謚

### 大赦詔

門下朕思弘風教而刑圖猶積求言前烈兢歎載懷  
今獲端告始郡后執贄治洽樂交華夷同泰雖和慙  
擊石采愧卿雲然景業初基義深恒典慶動玄靈歡  
溢郡縣憫彼幽黔猶隔茲澤思我兆民共熙至化



北伐詔

門下侯統曆馭政志包函夏庶愍文軌無思不服而  
逃焉狡虜久爲邊虞及宋末不庭授策乖律比州外  
淪威風內毀鑿彼隆替慨歎盈懷晁旒濟河翦彼凶  
狄咸秩中岳望祀汾陰則聲教邕矣猶以經綸惟始  
恩化甫洽勞民擾衆爲政所重故方輟六師按經九  
伐今淮泗告驚羽書馳聞醜羯妖燼送死比垂徵天  
人之數撫自來之會無勞遠兵剿撲爲易蓋因茲大  
號蕩其巢數可遣使某官組甲十萬鐵騎千馬斜趣

江文通集八卷九

九

賴洛衝其要津某官某虎旅八萬舳舻數千沿淮長  
驅稜威青汴某官某舟師五萬直出淮淝某官控江  
右之銳駱驛既進某官某率羽林勁男爲水陸形援  
某官某甲等並率義勇之衆平盡犄角之機戎車戒  
路事宜愬一使持節都督南徐兗二州諸軍事後軍  
將軍南徐州刺史長沙王晃出次江都爲衆軍節度  
驍雄竟奮火烈風掃剡定中原肅清河洛便可內外  
纂嚴備辦

王僕射爲左僕射詔

門下端貳樞祕寔惟國禎緝典宣機所寄時  
右僕射領吏部尚書南昌縣開國公儉器懷明亮風  
情峻遠業積珪璋才兼經緯况乃節亮帷幄譽數端  
揆升授之宜蓋允具瞻可左僕射

王撫軍為安東吳興詔

門下震澤殷興撫馭須才都官尚書撫軍潯陽郡開  
國公敬則志幹貞烈秉情開敏忠勤之至形乎出內  
必能綏懷大邦尅隆美政

曲赦丹陽等四郡詔

江文通集卷九

十

門下朕興言民瘼昧旦求政所以庶存簡惠緝茲治  
道而玉燭未調祥風尚鬱京輔及三吳昔歲水災秋  
登既罕今茲厲疾罹患者多納隍之歎為矜良深可  
曲赦楊州所統丹陽吳興南徐州所統義興等四郡  
其遭水左劇之縣自今年以前三調未充而虛例已  
畢官長局吏應其備賞者雖卽事為愆情在可亮外  
詳所際以弘優澤

王僕射領太子詹事詔

門下管司東朝歷代所重自非國華莫允斯任侍中

尚書左僕射南昌縣開國公倫鑒識清贍理懷秀澈  
績亮朝端譽敷愈議替業攸光物聽斯緝宜惣二官  
以穆彝序

何詹事爲史部尚書詔

門下官人之職實難其選所以弼諧彝品護明庶績  
今思治惟急彌不可曠侍中太子詹事成業履脩平  
體識詳隱自升官闈美譽咸聞必能無懈于位爰茲  
派序

王侍中爲南蠻校尉詔

江文通集卷九  
門下荆楚殷曠任重寄深毗左之選非良勿授侍中  
領秘書監驍騎將軍貞秉心貞元志局開亮績譽之  
美在公屢彰必能贊政南紀播惠西夏

王光祿爲征南湘州詔

門下衡岳名區荆湘與壤自頃凋弊綏撫須賢侍中  
光祿大夫丹陽尹僧文德履邃識局詳正冲素之  
朝望攸歸歷職之庸載懷愈聽往任沅湘餘惠在民  
今宜重敷善政申此懿績

柳僕射爲南兖州詔

門下河兗衝要維扞中畿司牧之任宜詳其綬後將  
軍領軍新除尚書左僕射滇陽郡國公世隆業體淹  
濟思情通敏功書王府積彰累任必能宣弘恩政威  
懷萬里雖哀疾毀頓而禮有權奪

王僕射加兵詔

門下散騎常侍尚書左僕射太子詹事南昌縣開國  
公儉忠欵昭著任寄隆深旣光朝猷允屬民聽宜增  
威飾以崇望實可加兵二百

立學詔

江文通集卷九

十二

門下夫膠庠之典彝倫攸先所以昭振才端啓發性  
緒弘世字氓納之軌儀是故五禮之迹可傳六樂之  
容不泯朕自膺曆受圖志闡經訓且有群寮奏議橫  
集以戎車屢警文教未敷思樂辟雍永言多慨今關  
燧無虞時和歲稔遠邇同風華夷慕義便可式遵前  
準脩建教學精選儒官廣延國胄

王鎮軍爲中書令右光祿詔

門下綸言要密歷選爲難優秩崇顯允在舊德使持  
節都督江州豫州之新蔡晉熙二郡諸軍事鎮南將

軍江州刺史延之業履冲約秉情閑素譽彰頗試行  
著累朝自居南服微庸剋舉宜升寵章管兼樞祕

張今爲太常領國子祭酒詔

門下庠議旣敷縉紳攸屬師氏之任宜歸儒素散騎  
常侍中書令曉騎將軍楊州大中正緒器識清簡理  
懷恬約譽洽朝聞聲緝民聽必能闡揚玄宗式範胄  
子兼掌宗伯望實惟宜

蕭冠軍進號征虜詔

門下維翰之重實資名品使持節都督郢州司州之

江文通集

卷九

十三

義陽諸軍事冠軍將軍郢州刺史南昌縣開國侯儻  
體局弘濟器操端敏自蒞任夏首美政殷流必能聿  
宣國化以庇人瘼宜崇顯秩允茲聲望

褚侍中爲征北長史詔

門下蕃佐須才非良莫寄侍中領步兵校尉炫識業  
清悟思懷淹暢出內之譽日聞其美宜弼諧親屏以

申茂績

普累膺自武南州濬州刺史宜長蕭章兼

軍武州刺史宜武南州濬州刺史宜長蕭章兼

江文通文集卷第十

梁 齊揚江 淹著

明 新安汪士賢校

齊太祖高皇帝誄

日月鬱華風雲黯色傷動紫微悲匝璇極嗚呼哀哉  
粵夏四月辛卯將遷座于泰安陵龍鑿既整羽衛以  
陳深酸舊物掩咽故臣嗣皇帝永訣丹掖叫然青墀  
攀神光之一絕慟遠邇之何期弓劔有慕慕德寫辭  
僉曰若稽古聖璿圖靈鏡星樞發祥電光啓命誕惟

江文通集卷十

十

弱齡惠志聰情如金如璧爰秀爰英於鑠冠歲騰華  
流藝允文允武克明克睿聿尚登學嚴道遵師宣散  
五禮優游六詩上炫舊滯旁鏡前疑才罄艷采筆盡  
麗辭在支斯悌于親伊孝儉泰共色夷阻一貌遊情  
黜矩縱心蹈教鄉術式慕州閭是効業優登仕先哲  
攸懋矧乃寥廓淵規邃構官府天地舟輿宇宙龍靜  
鳳戢歛竒揜秀昔在帝劉王室放命校焉僞誕晦朔  
陵正鋒車北軼燿火南盛太祖時乘爰茲發迹塞井  
滅勳夷竈龕敵賞鏤王圖功懋帝冊乃厲中葉夫未

歛難兵百表曹禍十楚漢吳地前崩越壤首亂銜號  
燿盛火列金斷聚甲如陵獻俘爲觀比楚偃強曾未  
腐滕雲屯被野魚麗旦日廟勇旣消國圖方置神冊  
天開雄略世出凶劒鱗沈醜戈羽逸隻騎不返蹄輪  
無匹厥庸戾止離珮委他榮鬱閭闔寵重山河皇彝  
有文朝采方藹煩煩金紐左右緹蓋毗戎肅禁祭輦  
侍旆譽馥區中道夢珉外河濟國險淮泗邦塵嬰藩  
重設匪賢則親亦旣推較擁土庇民聲稜絕俗威瞻  
殊隣宋主陵遐紫殿過密話言之詔貽在英粹寅亮

江文通集一八卷十

二

大寶敷綸妙秘世識機鑿物宗淵懿無覓匪練匪奧  
不洎三階旣馴五精惟至彭蠡九江地盡襟製亦有  
劉範衣纓是絕躍馬山岫泛舟河漭縞鏞星流紅旗  
電結鳩翼競扇豺牙爭礪禍纏紫禁兵交丹衛瑤祀  
若於金屨如綴朝野傾儀咸歸上德實賴至公瀉家  
提國懷險實泰襄危亡必克機筮朝旦功定曠黑妙  
物更配具童重則深居撫外遙棲緜默高秩方臻元  
禮有序王曰念哉輝寵是與職褻官閣任卷文武飾  
煥麗貂紫金疊組宏猷溢俗曾芬冠古憬彼宋方亦

惟宗秩陰圖食昂潛謀貫日征輪未普偏旗倚律原  
燎旣寂世囂伊謐爰崇爰貴以望以實鴈縣告靜象  
郡無虞香鬱遠域清麗瓊都國垣岷負朝委事虛寔  
翳哲相嶽曜神居功美旣擯道富去益再紐契訓重  
匡禹迹方同范張濯情汾射散簪山郊解珮松石頽  
霞拂朝蒼煙懣冬韻屬玄經恩流金液靈厭霸德少  
帝告釁滅慈滅養抵仁抵信枉獄炎鑪淫刑霜刃剖  
忠翦義樊稚斲楓慄慄方垠曰怨曰震妖蜺將崩災  
裂昊蒼况乃鼎國資滌資匡臨朝聞命遏昏立綱事

江文通集八卷十

三

繇毗漢義締翼商旣綬地職亦懋天工權輿典緯俾  
作司空黼黻凋戈祐宇升庸徒賜先袞爰永渥冲實  
曰驃騎卷迹辭功寰寓睦政畿甸綸風沈氏滔天勃  
逆舊楚氣蹂黃池志轢柏舉裂禮紊度毀經棄序黑  
駢黥山朱旗頽渚短兵 長鍛爲群顥如海岸轟

似

乃霧激離則震分荆國旣軼郢縣方焚袁

劉二戾焱

焯發聯謀制外儲兵襲內釁激瓊殿勢

崩金闕志乘玄璽圖矯祕鉞鴻妖逝星高侵棄月惟  
時諸侯上脫下競圖服淆蕩實綴仁聖輝耀國靈導



揚主命曾規近晰深暮遠鏡左輪朱楮表裏斯定七  
德飾歌九功絳詠乃陟上鉉寵文方輝誕錫有秩綵  
吹旌旌贊政瑤光翊教太微寔曰太傅爰登相國緝  
武以禮綜祇以德景福咸溥芳猷允塞羽沫式造絃  
縣是則金湯無險軌書攸同廻廻龍迹窈窈睿功寶  
珪鑿壤俾王于東絢冊是敷懋物旣崇設業設虞丹  
懸碧鏞於穆顯相黎元時邕冰州炎微來獻其蹶鴈  
海龍關亦柔好音梁菴棧巖越險浮深遠戎皆覲上  
靈必臨山吐石青野降密露瑞芝麗草珍柯爛樹人

江文道集

卷十

四

崩俗締玄緯幽數睠此妙德跋我王度遙滯炎旻旣  
變至公萎蕤嬌華文相受終大宋有訓高撝萬邦容  
豫慶雲遊衍南風三服寶位圓光王繩御繡懷古負  
黼夙興丘嶷必靜淵漪咸澄飭辰有作黔牖其義矜  
卑廣慈合賤兼愛綴機劍賊輕章削罰迹去繁參情  
歸素一軒靡龍刻楹無丹密越賤申椒楚輟靈橘陵  
寢起邑池藻誰縣遙館罕御離房空廡悖敦路宮淹  
神正殿斟酌信義左右律禮榮被皇維燁茲國體胃  
業旣樹璧流方啓漢求金岫吳寶銅斲寧若睿德議

駟却劍寔才爲貴唯功是念火職成允雲官亦潔既  
臯乃益匪稷伊夔無厭巡風寧矣辨詩王燭調文玄  
英最節乘山呈瑞航海歸闕不曠景冊靡空歲月受  
緯機衡兼甄書史孫韓各辨莊墨異哩昭政往藹洗  
鑠前軌逍遙星斗徙倚涼雲春飈方舞秋鴻初分式  
謠式詠載績載文邈哉我后淪泳賢聖罄品作號盡  
物歸政蒼黎汰驩玄靈刷慶永戩嘉祉方寅景命締  
詳有文颯沛將掩理昧人詖道懸世險覓略遺圖忌  
華徇儉文闇陳几翌明告漸蜺俯關食日月肅精矧

江文通集八卷十

五

在乘輿宇折宙傾侵纏鸞掖悲赴紫局去旋臺之照  
襲珠殞之冥嗚呼哀哉帷宮低景輦路戲光惻柏門  
之黯黯泣松帳之茫茫上宮擗而詔御咽群后慕而  
侍衛傷攢靈旣儼遠日以筮鬱鬯旣奠龍醑撤素月  
夜橫翠煙曉結撻虛金而下欵吟空蕭而增絕嗚呼  
哀哉於是颯天駕而從綺輿澁神行而撫文輦傍建  
春而南蹕徑宣陽而東踐尚益蓋而未散乍眇然而  
不轉睇千乘之共啜盼萬騎之相泫魏后之戀譙惻  
漢主之懷沛辭金陵之萑義降雲陽之杳藹風奇響

而駐軒煙異色而低旆怨街邑之綵驂弔原野之編  
蓋挽夫愴而征馬凝痛縈盈其如帶嗚呼哀哉復林  
油雲重山減日御房清淒神路冥謐昭徒肅纛幽砥  
竦單攀光灑動臨泉澍泗瓌座長嚴雕宮永闕寂帳  
寂兮寂已遠夜釭夜兮夜何遽嗚呼哀哉

宋故尚書左丞孫綱墓誌文

光靈維周肇祀伊衛昭分上代鏡華中世睿誕降明  
秀芳嗣烈學惟物範行實士節容與書林優遊史藝  
素巾俄朱紱累轍來訪詩逸入詢禮缺麗名文質  
江文通集卷十  
六  
齊影儒詰慶履匪舒沍氣遽結殞帷兮旣晦杲火兮  
已閉曖遺波於遙緒颯流馨於遠歲

宋故安成王右常侍劉喬墓誌文

丹陽韞聖豐鄉降賢玉葉旣積金徽方傳乃毓伊人  
剋廣克宣騰芬中屬飛藻上年杳杳虛素永永冲關  
雲意霜拍瓊立冰堅家寶以瑩國才未甄參錯報善  
茫味雲玄斂鬼幽石委氣空山膚若流波身如絕煙  
芳菲一逝美懋徒鏘

宋故銀青光祿大夫孫覿墓誌文

川祗効鏡岳祥獻明碧葉獨秀瑤源自清幼炳器譽  
夙耀才名體兼遷靈尊備儒史紫閣咸趨朱軒旣履  
貴交慕塵素遊企軌騰藻上京振彩下國如彼綠蘭  
秉芬四塞欵人逕之不平歎天路之冥默貴夫君之  
爲美播靈均與正則

齊故御史中丞孫詵墓誌文

筠以霜藹蘭以風薰深哉若人寔好斯文系緒承胄  
激蕩驚芬才基魏粲學崇漢雲覽志上載洽鏡前聞  
騰名冠俗揚采絕群方勵明世式贊睿君如何不淑

江文通集

卷十

七

天道難分敢雕窆石永晰幽墳

齊故司徒右長史檀超墓誌文

惟金有銑惟玉有瑤君實淵哉行爲世標高志洒落  
逸氣寂寥奧學內溢深文外昭嘉采籍譽登國振朝  
亦既有美筠傷蕙凋人邇運曠世促道遼永矣仁矣  
流芳無澆

蕭驃騎祭石頭戰亡文

咸告忠貞之鬼曰義惟行首雄實上節嗟爾驍驍稟  
才蹈烈守上不渝懷冰可折氣彰靡旗情皦亂轍高

墉摧堅巨醜挫銳深痛克矜冤  
及雪隆恩殊悼臨  
爾以歆千秋同盡百齡一世竟  
而有知咸無遠邇嗚  
呼哀哉

蕭太傅東耕呪文

敬呪先穡曰攝提方春黍稷未華灼爍發雲昭耀開  
霞地煦景曖山艷水波側聞晨政實惟民天競拒獻  
歲務畎上年有滄踈潤興雨導泉崇耕巡索均逸共  
勞命彼官人稅于青皇羽旌銜旌雄戟燿毫呈典緇  
耦獻禮翠壇宜民宜稼克降祈年願靈之降解珮停  
江文通集 卷十  
八  
鑿神之行兮氣爲鞍神之坐兮煙爲蓋使嘉穀與玄  
鬯永爭光而無沫哉

草木頌十五首 并序

僕一命之微遭萬代之幸不能鑄心礪骨以報所象  
擢翼驥首自致丹梯爰乃恭承嘉惠守販閩中且僕  
生人之樂久已盡矣所愛兩株樹十莖草之間耳今  
所鑿處前峻山以蔽日後幽晦以多阻飢援搜索石  
瀨芟芟庭中有故池水常決雖無魚梁釣臺處處可  
坐而葉饒冬榮花有夏色茲赤縣之東南乎何其奇

異也結莖吐秀數千餘類心所憐者十有五族焉  
爲一頌以寫勞蒐

金荆

江南之山連障連天旣抱紫霞亦漱絳煙金荆嘉樹  
酒露宅仙姹節詎及幽意誰傳

相思

竦枝碧潤卧根石林日月斷色霧雨恒陰綠秀八炤  
丹實四臨公子不至山客徒尋

豫章

江文通集

卷十

九

伊南有材匪桂匪椒下貫金壤上籠赤霄盤薄廣結  
捎瑟曾喬七年乃識非曰終朝

枿櫚

異木之生疑竹疑草攢叢石逕森荏山道煙岫相珍  
雲疊共寶不華不緝可避工巧

杉

桐梓舊麗松栝稱奇焉如茲品僅  
青崖群木歛望

爲不窺長入煙氣永參

變

木貴冬榮煙實寒色低  
岱峯頂挿翠石側碧葉  
蒼藓顏柯翕絕方陋筠  
槽遠笑荆棘

楊梅

寶跨荔枝芳軟木蘭懷  
葉挺實酒英粿丹鏡日  
繡壑焰霞綺繡爲我羽  
翼委君王盤

山桃

惟園有實惟山有蕙丹  
鶴擎露紫榮繞風引霧  
如電映煙成虹伊春之  
秀乃華之宗

山中石榴

江文通集

卷十

十

美木艷樹誰望誰待縹  
華翠萼紅華絳采焰列  
泉石芬撓山海奇麗不  
徒霜雪不改

木蓮

迓采泉壑騰光淵丘緗  
麗碧巘紅艷桂洲山人  
結侶靈俗共遊時至不  
採爲子淹留

石上菖蒲

藥實虛品爰乃輔性却  
痾衛福蠲邪養正縹色  
外妍金光內映草經所  
珍仙圖是諫

黃蓮

黃連上草丹沙之次禦孽辟妖長靈友視驂龍行天  
馴鳳匝地鴻飛以儀順道則利

署預

華不可炫葉非足憐微根儻餌棄劍為仙黃金共鑄  
青艘爭妍君謂無妄我驗衡山

杜若

山中杜若嘉爾翠質不奇不俗載華戴實同銜夕露  
共烘朝日夷險無二沈冥如一

藿香

江文通集卷十

十一

桂以過冽麝以太芬權阻天鑄天折人文詎及藿香  
微穰微薰攝靈百仞養氣青秀

雲山讚四首 并序

壁上有雜畫皆作山水好勢仙者五六雲氣生焉悵  
然會意題為小讚云

王太子

子喬好輕舉不待煉銀丹控鶴去窈窕學鳳對嶺岼  
山無一春草谷有千年蘭雲衣不躑躅龍駕何時還

陰長生



陰君惜靈骨珪璧詎爲寶日夜名山側果得金丹道  
憂傷永不至光顏如碧草若度西海時致意三青鳥

白雲

紫煙世不覲赤鱗庖所捐白雲亦海外蒼蓋起三山  
簫瑟玉池上容裔帝臺前欲知青都裏乘此乃登天

秦女

青琴旣曠世綠珠亦絕羣猶不及秦女十五乘綵雲  
壁質人不見瓊光俗詎聞願使洛靈往爲我道首芬

雜三言五首

并序

江文通集

卷十

十二

予上國不才黜爲中山長史待罪載究識煙霞之狀  
旣對道書官又無職筆墨之勢聊爲後文

構象臺

以上妙兮道之精道之精兮俗爲名名可宗兮聖風  
立立聖風兮茲敎生寫經記兮寄圖刺畫影象兮在  
丹青起淨法兮出西海流梵音兮至索溟綱紫宙兮  
浴萬品冠璇寓兮濟羣生余汨阻兮至南國迹已徂  
兮心未扃立孤臺兮山岫架半空兮江汀累青杉於  
澗構積紅石於林檎雲八重兮七色山十影兮九形

金燈兮江籬環軒兮匝池相思兮豫章戴雲兮拘甯  
栽異木而同秀鐘籬草而一香苔蘚生兮 石戶蓮  
花舒兮繡池梁伊日月之寂寂無人音與馬迹 禪  
情於雲 守息心於端石永結意於鷲山長懽悴而  
不惜

訪道經

百學兮異文錦派兮綺分珍君之言兮曠無際悅子  
之道兮迥不群澹深韻於白水儼高意於浮雲軌賢  
豪於後學軼望識於前文茲道兮可傳可傳兮皓然

江文通集

卷十

十三

挾茲心兮赴絕國懷此書兮坐空山空山隱鞞兮窮  
翠岬水散漫兮涵素壑海外陰兮氣曇曇江上月兮  
光灼灼東南出兮是一山西北來兮乃雙鶴池中蓮  
兮十色紅總前樹兮萬葉落四壁深兮乃沉寥左右  
虛兮如寂寞寂寞兮山室德經兮道表盪鬼兮刷氣  
掩憂兮靜疾信若人兮先覺聊與子兮如一

鏡論語

巡青史之殘誥覽朱管之遺冊惟魯濱之一叟信衒  
道而探寂世艱險而多阻君英明而不華講業兮齋

衛論精兮汙泗子之說兮義已祕成賈鄭之雄理可  
黃何之壯思惜古人之取才瞰青雲而靖意意恬悵  
兮有端才嶒峻兮可觀憲媯禹而折法襲仁誼而求  
安不媿婉於戚施寧蹕踣於馬蘭俾後生之庶士鑒  
明德之音翰惟山中兮寂寞 憂思兮無從石紅青  
兮百疊山濃淡兮萬重日下兮 月出兮銅峯竹  
色兮拂戶水氣兮繞牕味哲人之遺珍折片句兮忘  
老嘉石門之埋名憐柳子之沈道書吳伯於衣袖鏤  
顏子於心抱籌出處之叔仲酌言默之多少若妙行  
與上靈非積學之所紹至游夏以升降幸砥心而勿  
天

江文通集

卷十

十四

悅曲池

北山兮黛柏南江兮頰石頰峯兮若虹黛樹兮如畫  
暮兮兮十里朝霞兮千尺千尺兮縣縣青氣兮往旋  
桐之葉兮蔽日桂之枝兮刺天百谷多兮瀉亂波雜  
欄饒兮鴛蕘泉竟長洲兮匝東島縈曲嶼兮繞西山  
山巒旣兮水環合水環合兮石重沓林中電兮雨冥  
冥江上風兮木颯颯盟清冷兮遶潺湲白雲起兮弔

石遺客子思兮心斷危心斷絕兮愁無閑步東池兮  
夜未艾卧西牕兮月向山引一息於鬼內擾百緒於  
眼前意春蘭與秋若願不絕於江邊

### 愛遠山

伯鸞兮已遠名山兮不返遺紺草之可結及朱華之  
未晚縹余馬於椒阿漾余舟於沙衍臨星朏兮樹闇  
看日燦兮霞淺淺霞兮駭雲一合兮一分映壑兮爲  
飾綴澗兮成文碧色兮婉轉丹秀兮蒼葢深林寂以  
窈窕上猿狖之所群群猿兮聒山大林兮蔽天楓岫

江文通集

卷十

十五

兮筠嶺蘭畹兮芝田紫蒲兮光水紅荷兮艷泉香枝  
兮嫩葉翡翠累兮翠疊非郢路之遼遠寔寸憂之相接  
歛美人於心底願山與川之可涉若溘死於汀澗哀  
時命而自愜

### 應謝主簿騷體

山櫺靜兮悲凝涼澗軒掩兮酒涵霜曾風激兮綠蘋  
斷積石閉兮紫苔傷芝原寂少色筠庭黯無光沐予  
冠於極浦馳予珮兮江陽弔秋冬之已暮憂與憂兮  
不忘使杜蘅可翦而棄夫何貴于芬芳

劉僕射東山集學騷

會秋一顧眇然山中檀欒循便娟來風木瑟瑟兮  
氣芬苙石彘彘兮水成文擿江崖之素草窺海岫之  
青雲願芙蓉兮未晦遵江波兮待君

山中楚辭六首

青春素景兮白日出之藹藹吾將弭節於江夏見杜  
若之始大結瑠鱗以成車懸雜羽而爲蓋草色綠而  
馬聲悲歛公油以流帶

予將禮於太一乃雄劔兮王鈎日華粲於芳閣月金

江文通集

卷十

十六

披於翠樓舞燕趙之上色激河淇之名謳薦西海之  
異品傾東岳之庶羞乘魚文兮錦質要靈人兮中州  
入橘浦兮容與心敞悵兮迷所識視煙霞而一色深  
秋窈以虧天上列星之所極桂之生兮山之巒紛可  
愛兮柯團團谿嶠嶸兮石架阻飈飈颺兮木道寒煙  
色閉兮喬木橈嵐氣閨兮幽篁難忌蟪蛄之蚤吟惜  
王孫之晚還信於邑兮白露方天病兮秋蘭

石篴篴兮菽白雪疊疊兮薄樹車蕭條兮山逼舟

兮水路愍晝夜之摧坐感春秋之欲暮征夫輟而

在位御者跼而載顛

寬兮歸來異方不可以親蝮蛇九首雄虺戴鱗炎亢  
一光骨爛寃傷玄狐曳尾赤象爲梁至日歸來無往  
此異方

自序

淹字文通濟陽考城人幼傳家業六歲能屬詩十三  
而孤邈過庭之訓長遂博覽群書不事章句之學頗  
留精於文章所誦詠者蓋二十萬言而愛奇尚異深  
沉有遠識常慕司馬長卿梁伯鸞之徒然未能悉行

江文通集

卷十

十七

也所與神遊者唯陳留袁叔明而已弱冠以五經授  
宋始安王劉子直略傳大義爲南徐州王新安從事  
奉朝請使安之薨也建平王劉景素聞風而悅待以  
布衣之禮然少年嘗倜儻不俗或爲世士所嫉遂誣  
淹以受金者將及抵罪乃上書見意而免焉尋舉南  
徐州桂陽王秀才對策上第轉巴陵王右常侍右軍  
建平王主簿賓待累年雅以文章見遇而宋末多阻  
宗室有優生之難王初欲羽檄徵天下兵以求一旦  
之幸淹嘗從容曉諫言人事之成敗每日殿下不求

宗廟之安如信左右之計則復見麋鹿霜棲露宿於  
姑蘇之臺矣終不以納而更疑焉及王移鎮朱方也  
又爲鎮軍叅事領東海郡丞於是王與不逞之徒日  
夜構議淹知禍機之將發又賦詩十五首略明性命  
之理因以爲諷王遂不悟乃憑奴而黜之爲建安吳  
興今地在東南嶠外閩越之舊境也爰有碧水丹山  
珍木靈草皆淹平生所至愛不覺行路之遠矣山中  
無事與道書爲偶乃悠然獨往或日夕忘歸放浪之  
際頗著文章自娛在邑三載朱方竟敗焉復還京師

值世道已昏守忠閑居不交當軸之士俄皇帝始有  
大功於四海聞而訪召之爲尚書駕部郎驃騎竟陵  
公叅軍事當沈攸之起兵西楚也人懷危懼高帝嘗  
顧而問之曰天下紛紛若是君謂如何淹對曰昔項  
強而劉弱表衆而曹寡羽號令諸侯竟受一劍之辱  
紹跨躡四州終爲奔北之虜此所謂在德不在鼎公  
何疑焉帝曰聞此言者多矣其試爲我言之淹曰公  
雄武有奇略一勝也寬容而仁恕二勝也賢能異力  
三勝也民望所歸四勝也奉天子而伐逆叛五勝也

攸之至銳而器小一敗也有威而無恩二敗也士卒  
解體三敗也搢紳不懷四敗也懸兵數千里而無同  
惡相濟五敗也故豺狼十萬而終爲我獲焉帝笑曰  
君談過矣是時軍書表記皆爲草具逮東霸城府猶  
掌筆翰相府始置仍爲記室叅軍事及讓齊王九錫  
備物及諸文表皆淹爲之受禪之後又爲驃騎豫章  
王記室叅軍鎮東武令叅掌詔冊並典國史旣非雅  
好辭不獲命尋遷正貢散騎侍郎中書侍郎淹嘗云  
人生當適性爲樂安能精意苦力求身後之名哉故

江文通集

卷十

十九

自少及長未嘗著書惟集十卷謂如此足矣重以學  
不爲人交不苟合又深信天竺緣果之文偏好老氏  
清淨之術仕所望不過諸卿二千石有耕織伏臘之  
資則隱矣常願幽居築宇絕棄人事死以丹林池以  
綠水左倚郊甸右帶瀛澤青春髮謝則接武平臯素  
秋澄景則獨酌虛室侍姬三四趙女數人不則逍遙  
紀彈琴詠詩朝露幾間忽忘老之將至淹之所學  
盡此而已矣

江文通集卷第十終

錢塘郭志學寫



